



**Broj: 14-01-05-173/12**

**Sarajevo, 03.08.2012.godine**

**Bosna i Hercegovina  
Federacija Bosne i Hercegovine  
SKUPŠTINA KANTONA SARAJEVO  
S A R A J E V O  
n/r, Predsjedavajuće, Prof.dr. Mirjane Malić**

**Predmet: Odgovor na poslaničku inicijativu broj: 01-05-19933/12 od 19.06.2012.godine  
podnesenu od strane poslanika Nedžada Fazlije - dostavlja se**

Na Šesnaestoj Radnoj sjednici Skupštine Kantona Sarajevo, održanoj 19.06. 2012.godine, poslanik Nedžad Fazlija u okviru tačke dnevnog reda "Poslanička pitanja, inicijative i odgovori", podsjetio je na nedavnu krađu biste Voje Dimitrijevića ispred Akademije likovnih umjetnosti, kao i da se u istoj sedmici, spomem obilježje Mala kula na Grdonju na kojem su upisana imena 312 šehida i poginulih boraca 105.motorizovane brigade, opet našlo na meti vandala. U utorak 12.05. u poslijepodnevnom satima lopovi su uhvaćeni. Podsjetio je da u našem kantonu nema ulice a da ne dostaje bar jedan poklopac na šahtu. Kradljivci vrlo rijetko budu uhvaćeni, a otvoreni šahtovi prijete i ugrožavaju živote naših građana. U skladu sa navedenim, poslanik je postavio slijedeće pitanje:

„Postoji li način da se stane u kraj ovim drskim krađama? Znam da je nemoguće pored svakog šahta postaviti čuvara i upravo zbog toga postavljam pitanje može li se zabraniti otpadima otkup onih sekundarnih sirovina koje se najviše krađu?“

**ODGOVOR :**

U vezi s dostavljenim pitanjem, Kantonalna uprava za inspekcijske poslove, dostavlja odgovor isključivo iz nadležnosti ovog organa, odnosno iz dijela nadležnosti tržišno-turističke inspekcije, koja vrši nadzor nad primjenom Zakona o prikupljanju, proizvodnji i prometu sekundarnih sirovina i otpadnih materijala („Sl.novine Federacije Bosne i Hercegovine“broj: 35/98).

Član 7. navedenog Zakona, reguliše da su „Pravna i fizička lica koja obavljaju djelatnost otkupa i prerade otpadnih materijala dužna otkup vršiti u skladu sa propisima koje donosi vlada kantona - županije, te da je zabranjeno vršiti otkup materijala nepoznatog porijekla“.



Ukoliko preduzeće ili druga pravna osoba vrši otkup otpadnih materijala čije porijeklo je nepoznato, predviđene su sankcije i to za pravno lice u visini od 2.000,00 - 10.000,00 KM, za odgovorno lice u pravnom licu, u visini od 500,00 - 2.000, 00 KM. Za fizičko lice, sankcija nije predviđena.

Na navedene okolnosti, vršeni su redovni inspekcijski nadzori, međutim prilikom nadzora u kontrolisanim subjektima nisu konstatovani prekršaji. Pismeni zahtjevi za vršenje inspekcijskog nadzora, nisu zaprimljeni.

Ukoliko u toku inspekcijskog nadzora, tržišno-turistički inspektor konstatuje da se u prometu nalazi otpadni materijal, bez tačno naznačenog porijekla, postupaju u skladu sa ovlaštenjima i izdaje prekršajni nalog.

**DOSTAVITI:**

1. Naslovu
2. Sekretaru Skupštine Kantona Sarajevo
3. Sekretaru Vlade Kantona Sarajevo
4. Evidenciji
5. Arhiva

**DIREKTOR**

Heni – Erduan Ćesir



web: <http://kuip.ks.gov.ba>  
mail: [kuip@kuip.ks.gov.ba](mailto:kuip@kuip.ks.gov.ba)  
Tel: + 387 (0) 33 770-100 (centrala)  
+ 387 (0) 33 569-870 (direktor)  
Fax: + 387 (0) 33 770-151; 569-890  
Sarajevo, Reisa Džemaludina Čauševića br.1